

YUDA Ɔko Gɔ I Yuda Ɔtsere

¹ Ɔko gɔgbe ɔbɔre i mme Yuda kɔre, ngo nde Yesu Kristo rabaradze fie loɔe Yakobo ɔnyiibi. Nto lotsere lotã mma i bo Ɔse Ƴaa ɔkpere fie ɔse ɔɔɔe kukaako, ɔto ɔdzuẽ ma ɔse ɔtã Yesu Kristo. ² Ƴaa nnyainyo gu ã isobue gu kuɔɔe gɔ ɔba ɔtã mi si kusi kubua.

Itikpi To Iaba I Mila Maratedze Iso.

³ Wũ manyii ɔɔese, tee lobie so si lotsere mi ɔko i kumego i Ƴaa ɔfo bo ɔɔɔɔ ɔpia ngbã iso, ɔɔe ne, iba ianya so loatsere ɔko gɔgbe losu lopia mi ɔle so mikpẽ i kafɔkaɔe iti. Kafɔkaɔe ara ite wa i Ƴaa ɔsu ɔtã ã maturi ɔkpe ɔwẽ saã. ⁴ Alaso mawẽ ma loise manigã Ƴaa ɔɔɔ mabo i bo ndẽ i iwere ame. Mmagbe ɔɔfinikira Itõme ne bofo i Ƴaa abualera iso makpesera ira mama si ikategu ma nsegbai nyanyarã. Masẽ bo Igarakpakpa ɔwẽ saã gɔ nde Bosate Yesu Kristo. Gbaã ne, Ƴaa mɔmɔ ɔɔɔe ɔse koko so ɔatã mmagbe ipɔ.

⁵ Atoa so miye ara wagbe ɔɔɔɔ koko ne, lobie so loanyigira mi so Ƴaa gɔ mɔmɔ loɔi Israel kaɔe ɔbɔregu i sisande ame i Egipte karõ iso ne, ɔwɔra mma loifo wũ maɔe i ɔwi kama. ⁶ Minyigi so Ƴaa makpabo ma loibara ɔle gɔ matã ma karabara kukaako fie marui i ma kayakõ ne, ɔpia ma kugbagɔɔi ɔse ta ɔwi gɔmɔ fie ɔsu ma ɔpia i idududu kpirikpirikpiri ame so maawe i mmo gbɔgbɔɔgbɔ ɔaɔegɔ ma atõme ɔtã ma ipɔ ku Iyi

Tsora Siare nɛmɔ. ⁷ Ngbo ame si minyigi Sodom gu Gomora gu simagɛ dze loki silo ma ne. Sɛ maturi ɔsɛ ngbã nyanyarĩa maɖe asorõ lalaa go ta ma marerɛ to maregu so, ne ɔso Yaa ɔsu ɔto go loise ɔnyi ɔtsuedza ma so maɖe ikparĩ matã maturi ɔduɖu.

⁸ Ngbo ame i mmagbe sɛ masɛ arɛ mabara ara nyanyarĩa i ma mɔmɔ siturina iso ne. Maise makã Yaa ɔle go nto ɔɖe ma iso atsue fie mase mayɛ anyakpi i mma nto maɖe ma iso iso. ⁹ Yɛɛ Yaa Kpabokpakpa Mikael kɔra iibara ngbo. Ōwi go mato mawararã so i Mose kpise iso so nna loasu wũ ne, Mikael iixɛ kuira nyanyarĩa i Ōbosam iso ido so ɔɣere wũ so, “Bosate si ɔnyagalagu-ɔ!” ¹⁰ Yɛɛ mmagbe sɛ matiatia, magbarĩ ara wa karõ maino fie ara wa mayɛ ta ma karõkasekõ lɛ kumegɔ ipo ame mabɔi yee kurodzai iixɛ kuira ne, wã ame loadɔe ma ne.

¹¹ Ndzo midɛ mitã ma! Mase Kain nsegbai. Kusia go maana ɔso ne, mabebe anɔ fie mabara iɣere lɛ Balam awe. Mata maya maturi iso lɛ Kora awe fie maawo ngbo ame.

¹² Si misakanya i kuɖɔe ame mito mise ɔporõ katõ ne, mmagbe anuarera sɛ akpese inyini isia mi iso. Ma ɔnɔwɛ saã isoyɔ pe mase mabie. Mase lɛ adɔɔ wa i ɔwiri sore ɔkigu fie kado na i wã ame, yee adziri wa loise aɣõ abi nane kuse ɔwi. Adziri wa maɔrui ta siɖu ame fie ɔkpi. ¹³ Makategu ɔpo ame ndu mɛ nto mipɛ fie ma anuarera sɛ lɛ ɔpo ndu mɛ nto mifu sirarã. Maɖe awami wa loixɛ kayakõ kawɛ, fie Yaa ɔledza

kasekõ otã ma i idududu kpirikpirikpiri ame owi daaro.

¹⁴ Mmagbe iso idẽ i Enok gõ nde Adam õgekpare kodzeva õbi õxe sõ, “Bosate gu ã makpabo kukpi kukpi to maba. ¹⁵ Fie oto ãaxegu maturi õdudu atõme. Ñaxegu mma õdudu loise manigã Yaa atõme i ara lalaa wa õdudu mabara iti. Ibua i nwapbe iso ne, maaxegu makpibaradze ma loise manigã Yaa atõme i anyakpi wa õdudu maye i ã iso iti.” ¹⁶ Mađe maturi ma nse mađe aka i õme ame, mađi maturi matã. Mase mabara i ma ara nyanyarĩa wa nse akpẽ ma okã iso. Mase mađe ndamu fie mase masu õnyamerẽ masõsola maturi si maana nne mato mabie.

Su So Sia I Kristo Iso.

¹⁷ Yee mi wũ manyii dõese ne, minyigi ara wa i Bosate Yesu Kristo katõmemasedze õgere mi koko. ¹⁸ Mayere mi sõ, “I ayi tsõra ame ne, maturi to maaba fie maabara mi ayiãra, mabara ara wa nto ma okã gõ maibanigã Yaa.” ¹⁹ Ma nde mma nse manina maturi gu maturi inyo ndẽ ne, ma adzuni sia i kayiiso ara õnowẽ iso, fie Yaa Siwarã na i ma ame.

²⁰ Yee mi wũ mađõese ne, mitã mi kafõkađe ga nde ira sekelea si kamõ kabua si mikparama kayi i Siwarã Bielea õle ame. ²¹ Mikõla so i Yaa kuđõ ame si mila miõnyõ ori sõ Bosate Yesu Kristo aanyõ mi nnya otã mi ngbã me nna katui.

²² Ma ndẽ mawẽ ma nto mawararã ne, minyo ma nnya. ²³ Mma nto mabo i õto ame ne, mipe ma mifõ mipia i ngbã ame. Minyo mawẽ nnya, xee minigã ma nsegbai nyanyarĩa me loawo mi õpukutura.

Loto Lokparama Kayi I Mi Iti.

²⁴ Ҳаа го loawo mi ҷомӯи ҷла со miibarõ fiε ãako mi mila miçna isoyç gbggbõõgbo miase miabo ã ikpawaiĩ ame si çbara mi со iҗere kuiwē iibawe mi iso. ²⁵ Ҳаа ҷwē saã go nde bo Fõdze iki i Bosate Yesu Kристо iso boasu kuware botã, bokõle wũ kato. Ӯ ҷnowē loaqe bo iso, ҷwe ҷle i bo iso, ҷwi biara ita i kinio ikpa ҷwi daaro. Si iba ngbo!

Ndamu Ḃεε Siwu
Siwu: Ndamu Ḃεε Siwu New Testament

copyright © 2008 Wycliffe Bible Translators, Inc.

Language: (Siwu)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 1 Dec 2020

b5020a1a-c7b9-512a-9b46-1e462be571d4